

Superinfo

15.9.2017. / broj 183



DAN ZDK-a



SPORAZUM O PARTNERSTVU
OPĆINA TRAVNIK I IZMIT



PLESNI PAR KOJI
BILJEŽI SAMO USPJEHE



KŽK ČELIK NEĆE IGRATI
PRVENSTVO

MJEŠTANI BISTRičAKA DOBILI NOVU CESTU



Miralem Galijašević, premijer ZDK-a, sa svojim saradnicima, ministrom za prostorno uređenje, promet i komunikacije i zaštitu okoline Fahrudinom Brkićem i ministrom za poljoprivredu, vodoprivrednu i šumarstvo Himzom Smajićem, u pratnji direktora Kantonalne uprave Civilne zaštite Džavida Aličića, obišao je dionicu regionalnog puta Nemila - Bistrčak - Teslić, koja je stradala u poplavama 2014. godine i na kojoj je urađena i rekonstrukcija dionice ceste u dužini od 850 metara, u vrijednosti 250.000 KM. Na lokaciji Ograjine klizište je izazvalo velike probleme za nekoliko porodica koje tu žive. To mjesto se nalazi na putu prema Tesliću. Premijer Galijašević je objasnio da se zbog potrebe Šumsko-privrednog društva ZDK-a i zbog tih porodica Vlada opredijelila za izdvajanje novca za sanaciju. Galijašević je izrazio zadovoljstvo kvalitetom urađenih radova na ovoj dionici i naglasio da je u toku priprema tenderske dokumentacije za rekonstrukciju preostale dionice ceste sa makadamskim zastorom u dužini od 800 metara. Naglasio je da je procijenjena vrijednost radova rekonstrukcije ceste i regulacije korita rijeke Bistrčak 1,4 miliona KM, te da je Vlada obezbijedila 50 posto novca iz namjenskih sredstava od naknada za putarine i vodnih naknada. Početak planiranih radova je ove jeseni.



DAN ZDK-a

Povodom Dana Kantona, 29. avgusta je održana svečana sjednica Skupštine Zeničko-dobojskog kantona. Uručene su plakete ZDK-a Savezu izviđača grada Zenica, najvećoj omladinskoj organizaciji u BiH koja slavi 65 godina rada, i profesoru Ahmi Muharemoviću iz Zenice za 40 godina pedagoško-umjetničkog rada. Muharemović je zahvalio za priznanje svojoj supruzi i djeci, predlagajući Općoj biblioteci u Zenici i kolektivu Srednje muzičke škole u Zenici, Odboru za dodjelu javnih priznanja ZDK-a i kantonalnoj Skupštini. Denis Samardžić, potpredsjednik SIGZ, koji je preuzeo priznanje izviđačima zajedno sa predsjednikom Skupštine SIGZ Miroslavom Popovićem i mladim zeničkim skautima, poručio je da će učiniti sve da ostave svijet boljim nego što su ga zatekli. Obilježavanje Dana

Kantona započelo je polaganjem cvijeća i odavanjem počasti poginulim braniciima ARBiH i svim civilnim žrtvama rata na spomen-obilježju Kameni spavač. Potom je održan prijem za predstavnike boračkih organizacija, civilnih žrtava rata i Univerziteta u Zenici, a zatim je u parku ispred zgrade sjedišta ZDK-a upriličeno podizanje zastava BiH i ZDK-a uz intoniranje državne himne. Nakon svečane sjednice Skupštine održan je prijem u auli zgrade za zvanice iz javnog, društvenog i kulturnog života ZDK-a i BiH.




D.MED HEALTHCARE AG KORPORACIJE U POSJETI ZDK

U posjeti Vladi ZDK boravila je delegacija D.Med Healthcare AG korporacije iz Njemačke – u kojoj su bili direktor, Sven-Axel Krentor i Medin Okić, regionalni direktor za Istočnu Evropu te kardiolog dr. Adnan Delić. Delegacija se sastala sa premijerom Miralemom Galijaševićem i njegovim saradnicima. Tokom sastanka razgovaralo se o investiranju u oblasti intenzivne-interventne kardiologije u skladu sa Zakonom o Javno-privatnom partnerstvu ZDK. Premijer Galijašević je izrazio zadovoljstvo ponuđenim projektom i mogućom saradnjom i naglasio da je Zeničko-dobojski kanton lider u FBiH u regulisanju Javno-privatnog partnerstva, odnosno prvi je donio zakon i podzakonske akte iz

ove oblasti. ZDK je u ovom trenutku spreman za implementaciju projekata Javno-privatnog partnerstva. KBZ je, također, iskazala spremnost i interes da učestvuje u ponuđenom projektu koji će, ako bude realiziran, dugoročno koristiti svim pacijentima sa područja Kantona. Na sastanku su precizirane naredne aktivnosti, kao i nosioci aktivnosti za realizaciju ponuđenog projekta.



SVEUČILIŠTE/UNIVERZITET „VITEZ“



Fakultet pravnih nauka

- *Opće pravo*
- *Krivično-finansijsko pravo*

Fakultet pravnih nauka realizira osnovne akademske studije I. ciklusa (3+2 i 4+1) magisterske studije II. ciklusa i doktorske studije III. ciklusa, distance-learning (učenje na daljinu) te programe cijeloživotnog učenja, odnosno stalno osposobljavanje i usavršavanje.

Fakultet poslovne ekonomije

- *Poduzetnički menadžment*
- *Financije, računovodstvo i revizija*

Fakultet poslovne ekonomije realizira osnovne akademske studije I. ciklusa (3+2 i 4+1) magisterske studije II. ciklusa i doktorske studije III. ciklusa, distance-learning (učenje na daljinu) te programe cijeloživotnog učenja, odnosno stalno osposobljavanje i usavršavanje.

Fakultet informacionih tehnologija

- *Poslovna informatika*
- *Informacijske tehnologije*

REZULTAT AKADEMSKOG OBRAZOVANJA NAŠIH STUDENATA SU INFORMATIČKI STRUĆNJACI PRIZNATI DILJEM SVIJETA

Fakultet informacionih tehnologija realizira osnovne akademske studije I. ciklusa (3+2 i 4+1) magisterske studije II. ciklusa i doktorske studije III. ciklusa, distance-learning (učenje na daljinu) te programe cijeloživotnog učenja, odnosno stalno osposobljavanje i usavršavanje.

Fakultet zdravstvenih studija

- *Sestrinstvo*
- *Fizioterapija i radna terapija*
- *Sanitarni inženjering*

VISOKOKVALITETNO OBRAZOVANJE BUDUĆIH ZDRAVSTVENIH RADNIKA

Fakultet zdravstvenih studija realizira osnovne akademske studije I. ciklusa (3+2 i 4+1) i magisterske studije II. ciklusa te programe cijeloživotnog učenja, odnosno stalno osposobljavanje i usavršavanje.

Upis u akademsku 2017/2018.godinu je u toku
SVEUČILIŠTE/UNIVERZITET „VITEZ“

Školska 23, Travnik, +387 30 509 750, +387 30 509 763
www.unvi.edu.ba www.fit.co.ba info@unvi.edu.ba

BESPLATNI UDŽBENICI ZA PRVAČIĆE U SBK



Vlada SBK donijela je dvije odluke kojim su izdvojena sredstva za nabavku besplatnih udžbenika u ukupnom iznosu 287.000 KM. Dio sredstava u iznosu od 58 hiljada KM osiguralo je Ministarstvo obrazovanja FBiH, a ostatak resorno kantonalno ministarstvo. Za 2.340 prvačića u Srednjobosanskom izdvojeno je 160 hiljada KM tako da će svi u svojim školama dobiti odgovarajuće udžbenike. - Za romsku populaciju i socijalno ugrožene izdvojeno je 127 hiljada KM i knjige će dobijati i učenici viših razreda iz ovih populacija. I ove godine manje je djece u školama. Nekada je u školama u

srednjoj Bosni bilo oko 42.000 učenika, a ove godine 31.000. U osnovnim školama je manje za preko 300 učenika, a zajedno sa srednjom školom u klupama je manje za oko 500 učenika. Prošle godine smo imali preko 21.000 učenika, a ove godine 20.880. Imamo manje učenika, da li zbog prirodnog priraštaja ili iseljenja trebala bi dublja analiza. Ali i jedan i drugi razlog su uticali da imamo manje učenika u ovoj školskoj godini, potvrdila je ministrica obrazovanja, nauke, kulture i sporta Srednjobosanskog kantona, Katica Čerkez.

OBNOVA VOZNOG PARKA MUP-a SBK



Vlada i MUP SBK kupili su 55 novih vozila vrijednih oko 2,1 milion konvertibilnih maraka. Vlada je u drugom mjesecu donijela odluku da se ide u nabavku 55 vozila. Stanje voznog parka bilo je izuzetno loše. Ovo je značajan događaj za naše ministarstvo jer je zadnja nabavka vozila izvršena 2011. godine, kada je kupljeno 16 vozila. Motiv za ovaj projekat je loše stanje voznog parka. Još uvijek

u upotrebi imamo vozila stara i po 15 godina i to je jako otežavalo operativni rad na terenu, kazao je ministar unutrašnjih poslova SBK, Feliks Vidović. Kupljeno je 55 vozila: 22 vozila VW Golf, 22 vozila VW Polo, pet vozila VW Kedy, pet vozila VW Transporter i jedan VW Passat. Projekat kupovine 55 vozila koštao je 2,1 milion KM. Vozila su kupljena na lizing uz rok otplate od 60 mjeseci.



ODRŽANA NAJVEĆA SMOTRA FOLKLORA U SBK

KUD "Mladost" iz Višnjeva ove godine organizovala je 11. tradicionalnu smotru folklora u Mehurićima koja je okupila foklorne skupine iz naše države, te iz susjednih i još nekoliko evropskih zemalja koje su prikazale svoju tradiciju i umjeće na rukometnom stadionu pored Osnovne škole u Mehurićima. Prema riječima predsjednika KUD-a „Mladost“, Emira Karića međunarodna smotra narodnog stvaralaštva ove godine okupila je 25 društava, a među njima su bili gosti iz Bugarske, Kipra, Albanije, Hrvatske, Makedonije i Turske. Na najmasovnijoj smotri folklora u Srednjobosanskom kantonu pored domaćina, KUD Mladost Višnjevo, svoj nastup imali su i KUD Borac Travnik, KUD Karaula, KUD Burovača kao i društva iz Bosanske Krajine i Posavine.





OD KULINA BANA I DOBRIJEH DANA

U povodu obilježavanja 828. rođendana Povelje Kulina bana, Forum građana Zenice organizovao je prigodan kulturno-umjetnički program u parku kod istočne tribine stadiona Bilino polje. Već po tradiciji ova se manifestacija održala pod sloganom Od Kulina bana i dobrijeh dana. - Kao i svake godine, FGZ na ovaj način 29. augusta obilježava nastanak Povelje Kulina bana. Drago nam je što je taj datum prepoznao Kanton i izabrao za svoj Dan. Svake godine nam je cilj da pomičemo ljestvicu na viši nivo u organizaciji i napravimo neki iskorak. Ove godine smo uradili promociju kataloga likovne kolonije Stara Bosna, koji smo

radili u saradnji sa BZK-om Preporod iz Zenice. Napravili smo i novi suvenir koji je produkt FGZ-a, a to je replika Povelje Kulina bana koja je urađena na svili, u približno originalnoj veličini. Nadam se da će taj suvenir biti suvenir grada Zenice i budućih generacija, kazao je Tvrto Mišanović, predsjednik Forum građana Zenice. U programu obilježavanja učestvovali su kvartet Osnovne muzičke škole Zenica, mladi vokalni solisti, instrumentalna pratnja poetike Vladimir Savić i bend Kulin ban, dok je voditeljica programa i naratorka bila Sabina Kulenović, glumica Bosanskog narodnog pozorišta Zenica.

FRA ANĐIĆ POSJETIO KASUMOVIĆA

Gradonačelnik Zenice Fuad Kasumović u svom kabinetu primio je fra Zdravka Andića, župnika u župi sv. Ilije Proroka u Zenici, Marka Čolića, predstavnika boračkih udruga koje djeluju na području grada Zenica i Zdenka Kolaka, predsjednika HDZ 1990 Zenica.

Fra Andić je upoznao gradonačelnika o programu rada i planovima župe u narednom periodu. Također je naveo i probleme i izazove sa kojima se vjernici župe susreću posebno kada je u pitanju finansiranje ove vjerske zajednice. Kasumović je istakao važnost dobre saradnje lokalne zajednice i vjerskih zajednica. U tu svrhu Grad Zenica je i ove godine u budžetu planirao značajan



dio sredstava za podršku projektima koje realizuju vjerske zajednice. Gosti su zahvalili na prijemu i izrazili zadovoljstvo što će Grad Zenicu "u narednim godinama voditi evropski orientiran gradonačelnik". Naglasili su da će se dobra saradnja između gradske uprave i župe sv. Ilije Proroka u Zenici održavati i u budućnosti.

KUHINJI 1,7 TONA MESA



Ibrahim Hadžimuhović, predsjednik Zelenog polumjeseca Zeničko-dobojskog kantona, uručio je Senadi Kartal, koordinatoru za rad Gradske narodne kuhinje u Zenici, darovnice za donacije mesa ovoj ustanovi.

- Nastavljajući pružanje pomoći zeničkoj kuhinji, Zeleni polumjesec je u saradnji sa kolektivnim donatorima u posljednja tri mjeseca u tri navrata isporučio meso i mesne prerađevine u ukupnoj količini od 1.709 kilograma, kazao je Hadžimuhović. Kartal je istakla da, iako se rad kuhinje finansira iz budžeta, svaka donacija uvijek dobro dođe za njene korisnike u Zenici, kojih je trenutno oko 1.400. Većina njih ima obezbijeđen jedan obrok dnevno, dok korisnici iz socijalnih zgrada u Crkvicama i Radakovu dobijaju dva obroka dnevno.

MLADI RAZVIJAJU LJUBAV ZA SPORTOM



Grad Zenica i Društvo pedagoga fizičke kulture Zenica bili su organizatori „Otvorene škole nogometa“ koja je od ranije prepoznatljiva pod nazivom "Danska škola fudbala" koja je održana na B terenu Kamberovića polja. U ime Gradske uprave učesnicima projekta obratila Sumea Mujkanović, pomoćnica gradonačelnika za boračko-invalidsku i socijalnu zaštitu, stambene poslove i društvene djelatnosti, koja je istakla, kako gradonačelnik Fuad Kasumović i Gradska uprava podržavaju ovakve i slične projekte čiji je cilj uključivanje djece i školske omladine u sport.

SANACIJA CESTE ZENICA- ARNAUTI

Gradonačelnik Fuad Kasumović u prisustvu svojih saradnika iz resorne službe i Javnog preduzeća za prostorno planiranje i uređenje grada "Zenica" održao je sastanak sa predstvincima JP Šumskog privrednog društva ZDK d.o.o. Zavidovići, Ministarstva unutrašnjih poslova ZDK-a Policijske uprave i Zenica, Privrednog društva Komgrad-Ze Zenica, ŽGP-a Zenica i koordinacije mjesnih zajednica Babinskog sliva. Povod sastanka je iznalaženje rješenja za sanaciju lokalne ceste Zenica - Arnauti koja je prekomjernom upotrebom tereta i prolaskom teških kamiona oštećena u tolikoj mjeri da ugrožava opću i pojedinačnu bezbjednost oko 8.000 mještana Babina. Veliki problem također predstavlja nosivost lokalnih mostova koja je nakon pregleda komisije utvrđena na deset tona što posebno ugrožava bezbjednost javnog linijskog prijevoza putnika (autobuski saobraćaj) ali i individualni. Gradonačelnik je u svom izlagaju istakao da su shodno ranijim dogovorima firme JP Autoceste FBiH, Euro - Asfalt d.o.o. Sarajevo i PD Komgrad-Ze d.o.o. Zenica preuzele obaveze i postupile u skladu sa zaštitom prijateljskog okruženja. Istakao je da će gradska uprava poduzeti sve kako bi se prije svega osigurala bezbjednost mještana na ovom području i naveo da je obaveza privrednih subjekata da poštuju prijateljsko okruženje prilikom obavljanja djelatnosti. Kasumović je informisao da je ispred gradske uprave upućen zahtjev ZDK-u za dostavljanje pregleda ko ima pravo da po osnovu koncesionarnih ugovora koristi ovo područje. Zahtjevi predstavnika koordinacije MZ Babinskog sliva su usmjereni na što skorije zaustavljanje uništavanja puta sa prekomjernim teretom uz mogućnost ponovnih protesta ukoliko se ovo pitanje ne riješi. Predstavnici Babinskog sliva zahvalili su gradonačelniku i gradskoj upravi što je prvi puta nakon višegodišnjeg kršenja saobraćajnih znakova na ovom području postavljen znak zabrane prolaska vozila čija ukupna težina prelazi 20 tona.



PODRŠKA SAKUPLJANJU OTPADNIH VODA

Nakon uspješne saradnje na projektu Vodosnabdijevanje i odvodnja otpadnih voda BiH II, Njemačka razvojna banka KfW je Javnom preduzeću Vodovod i kanalizacija Zenica ponudila zajedničku realizaciju projekta na planu rješavanja pitanja otpadnih voda. ViK je kandidovao izgradnju glavnih gradskih kolektora i postrojenja za tretman otpadnih voda, sa čime se složila Gradska uprava Zenice. Tehnički stručnjaci KfW-a su u novembru 2016. uradili presjek stanja otpadnih voda gradskog i prigradskog područja, izmjereni su količina i sastav otpadnih voda sa detaljnom hemijskom analizom i dat prijedlog tretmana. Kako je u izveštaju data pozitivna ocjena prijedloga o izgradnji glavnih gradskih kolektora i postrojenja za tretman otpadnih voda Zenice, KfW se odlučio na finansiranje sa 100-postotnim bespovratnim sredstvima. Razvojna agencija vlade

Švicarske Konfederacije SECO je odlučila grant-sredstvima participirati u realizaciji ovog projekta. Ukupni troškovi projekta su 19.266.687 eura, a finansiranje je osigurano bespovratnim sredstvima koja vlada Njemačke daje kroz KfW u iznosu od 13.516.696,89 eura, vlada Švicarske kroz SECO u iznosu do 4.750.000 eura, doprinosima Grada Zenice za nastavak izgradnje biciklističkih staza u iznosu 1.000.000 eura i JP ViK Zenica od 800.000 eura u radnoj snazi na izvođenju građevinskih radova. U svrhu implementacije projekta, Grad Zenica će u koordinaciji sa JP ViK Zenica osnovati i jedinicu za implementaciju projekta (PIU) koja će koordinirati i pratiti sve aktivnosti, od rada konsultanta do izvođenja radova. Za praćenje progresa zadužena je Federalna uprava za inspekcijske poslove.

PARADAJZ OD 1,8 KG

Službu za privredu Općine Kakanj posjetio je Haris Delibašić, poljoprivredni proizvođač iz Kakanja. Razlog za posjetu je dokumentovanje činjenice da je ovaj vrijedni poljoprivrednik uzgojio paradajz težine 1,8 kg. Radi se o rekordu obzirom da je u BiH do danas zabilježena najveća težina uzgojenog paradajza od 1,6 kg. Porodica Delibašić je korisnik općinskog podsticajnog programa "Pokreni svoj posao u Kakanju" kroz kojeg Općina Kakanj novčanim sredstvima pomaže nezaposlenim osobama da pokrenu vlastitu djelatnost i tako riješe pitanje

egzistencije. U ovom slučaju korisnik podsticaja je supruga Harisa Delibašića.



KRISTAL

RAMOVI I LETVICE ZA OKVIRE

U ponudi imamo širok spektar drvenih letvica za okvire za slike, ogledala i druge umjetnine i predmete.

Pored letvica u metraži, u prodaji možete naći i ostali materijal za uramljivanje kao što su kartonske paspatue, poleđine za slike i foto okvire, vješalice i sl..

Nudi se i usluga uramljivanja.



info@kristal.eu
www.kristal.eu
T +387 30 717 733
F +387 30 713 111
Poslovni centar 96
72250 Vitez BiH

kristal[®]
Vaš svijet stakla

SPORAZUM O PARTNERSTVU OPĆINA TRAVNIK I IZMIT

Iako Općina Travnik ima već dugogodišnje prijateljske odnose sa turskom Općinom Izmit na osnovu Protokola o namjeri za uspostavljanje međuopćinske saradnje potpisani je zvaničan Sporazum i to na osnovu Odluke Općinskog vijeća Travnik iz 2011. godine. Potpisivanje Sporazuma upriličeno istovremeno sa zvaničnim otvaranjem Parka "15. juli – Park slobode i nezavisnosti" čiju je izgradnju i finansirala Općina Izmit u iznosu od 98.000 eura. Ovaj Park poklon je mladima Travnika i trenutno je najbolje uređen park u gradu. Tursku delegaciju predvodili su načelnik Izmita, dr. Nevzat Doğan i Zeki Aygün, poslanik truske regije Kocaeli. Kako su, kao članovi delegacije, Travnik posjetili i predstavnici privrede, razvojnih agencija, oblasti kulture i međunarodne saradnje, razgovaralo se i o budućoj saradnji. Ovo je bila i prilika da već dokazanim prijateljima iskažemo i zahvalnost na



ovako vrijednom projektu što je u ime građana Travnika i učinio načelnik Općine, Admir Hadžiemrić.



REKONSTRUKCIJA CRKVE USPENJA PRESVETE BOGORODICE U TRAVNIKU



Na pravoslavnoj Crkvi Uspenja Presvete Bogorodice u Travniku završeni su radovi na rekonstrukciji krova i fasade što bi trebalo zaštiti ovaj vrijedan vjerski, ali i kulturno-historijski objekat. - Ranije su izvršeni radovi na temeljima ovog vrijednog objekta. Jesenais smo završili radove na temeljima. Ove godine u planu je da završimo fasadu, da riješimo pukotine koje su nastale slijeganjem objekta crkve i da zamjenimo krov. Krov je dotrajao, kako daske ispod krova, tako

i lim. Trenutno se spremi pokrivanje krova i obnova fasade. Nadam se da ćemo do zime završiti ove radove i popločati ispred objekta crkve, kazao nam je protonamjesnik Crkvene opštine Travnik, Goran Živković. Prema riječima protonamjesnika Živkovića rekonstrukciju temelja, kao i obnovu fasade i krova finansijski su podržali Federalno ministarstvo kulture, te Vlada Srednjobosanskog kantona, a jedan dio radova Crkva finansira iz vlastitih sredstava.

ZNAČAJAN OBJEKAT

Crkva Uspenja Presvete Bogorodice u Travniku podignuta je neposredno nakon prebacivanja sjedišta bosanskih namjesnika iz Travnika u Sarajevo 1850. godine. Nije poznato ko je bio njen projektant ili graditelj, a nisu sačuvani ni podaci o detaljima gradnje. Nadogradnja crkve izvršena je 1911. godine.

- U ovoj crkvi se čuvaju vrijedne ikone i rukopisne knjige iz 17. i 18. vijeka, a dio unutrašnjosti hrama tridesetih godina 20. stoljeća oslikao je akademski slikar Roman Petrović. Kada su u pitanju ikone u unutrošnjaosti mogu reći da su u dobrom stanju, ali neophodna je i rekonstrukcija unutrašnjosti objekta. To nam je u planu. - rekao nam je Goran Živković, protonamjesnik Crkvene opštine Travnik.

POČELA REKONSTRUKCIJA ŠARENE DŽAMIJE U TRAVNIKU

Postavljanjem zaštitnih mreža i ograda pored Sulejmanije (Šarene) džamije u Travniku i sanacijom korita potoka koji se nalazi pored samog objekta počela je najveća rekonstrukcija vjerskog objekta. Ovaj millionski projekat finansira Generalna direkcija vakufa Republike Turske, a trebao bi biti završen u roku od 500 dana. Projekatom restauracija i rekonstrukcije Sulejmanije (Šarene) džamije u Travniku predviđena je potpuna rekonstrukcija i restauracija samog objekta džamije sa restauracijom slikanih elemenata. Projekat obuhvata rekonstrukciju i poslovnih prostora ispod objekta džamije te vanjsko uređenje u sklopu kojeg će se izvršiti uređenje i potoka.

Ono što je zanimljivo jeste da će se projektom rekonstrukcije Šarene džamije tretirati i sanacija temelja i ojačavanje temelja u skladu sa propisima i strukom koja određuje ovu vrstu rekonstrukcije. Kako doznajemo na samom početku rekonstrukcije najprije će biti uređen potok i postavljena izolacija duž potoka pored džamije kako bi se spriječio dalji prođor vlage.



HISTORIJA ŠARENE DŽAMIJE

Šarena džamija ili Sulejmanija je džamija koja se nalazi se u Travniku, u dijelu nazvanom Donja čaršija, a pretpostavlja se da je izgrađena u drugoj polovini 16. vijeka. U vakufnami prvog obnovitelja džamije nalazi se podatak da ju je izgradio Gazi-aga. 1757. godine vezir Čamil Ahmed-aga podiže džamiju, koju su stanovnici mahale prozvali Čamilija. Ona je izgorjela u požaru 1815, a na njenom mjestu je novu džamiju podigao bosanski vezir Sulejman-paša Skopljak.

Nazvana je Šarena zbog neobičnih likovnih dekoracija na unutrašnjim i vanjskim zidovima. U prizemlju džamije se nalazi bezistan. Sulejmanija predstavlja jedinstven primjer u osmanlijskoj arhitekturi gdje se ista građevina koristi u sakralne i svjetovne svrhe. Munara se nalazi na lijevoj umjesto na desnoj strani džamije kako je, inače, pravilo kod islamskih bogomolja. Takav potez može se opravdati vlažnim i nestabilnim tлом za gradnju na zapadnoj, odnosno

desnoj strani. Prepostavlja se da je munara starija od džamije i da potječe od prethodne Čamilije. Sulejmaniju je neobjasnivo zaobišao katastrofalni požar 1903. Objekat je pretrpio i nekoliko oštećenja u Drugom svjetskom ratu, da bi tek 80-ih godina prošlog vijeka izvršena temeljita restauracija, koja joj je povratila nekadašnji izgled s nezaobilaznim biljnim ornamentima.

RENOVIRANJE VISOČKIH ŠKOLA



Prvi dan nove školske godine obilježio je još jedan vrijedan potez lokalne vlasti, koji se odnosi na učenike i osoblje osnovnih škola sa područja naše općine. Potpisani su ugovori o renoviranju, a načelnica Amra Babić sa saradnicima je prisustvovala potpisivanju ugovora u tri osnovne škole: OŠ „Kulin ban“, OŠ „Safvet - beg Bašagić“ i OŠ „Mehmedalija Mak Dizdar“ Dobrinje. Radi se o infrastrukturnim projektima koji bi trebali poboljšati uslove školovanja u ove tri visočke škole.

UČENICI GENERACIJE



U Velikoj sali Općine Zavidovići održan je tradicionalni prijem za učenike generacije zavidovičkih osnovnih i srednjih škola. Općinski načelnik Hašim Mujanović i pomoćnik Službe za upravu društvenih djelatnosti i opću upravu Idriz Alihodžić obratili su se prisutnim učenicima te izrazili svoje zadovoljstvo i čast što imaju priliku da ih ugoste. Učenicima generacije dodijeljene su novčane nagrade, diplome, kao i dvije knjige. Prestižnu titulu učenika generacije školske 2016/2017. godine ponijeli su sljedeći učenici: Ahmić Iman, Hamurović Ajla, Buljubašić Tarik, Hasić Amina, Horozović Ajla, Imamović Dalila, Imamović Amra, Polić Ramiz, Čoloman Belmina.



GODIŠNICA OSNIVANJA ELEKTROPRIVREDE

Osnivanje sadašnje Elektroprivrede BiH d.d. Sarajevo u pravno-organizacijskom pogledu veže se za uredbu bivše Narodne vlade Bosne i Hercegovine o osnivanju električnog preduzeća BiH "ElektroBiH" od 30. augusta 1945. godine i 7. septembar 1945. godine, datum stupanja na snagu te uredbe. Danas je JP Elektroprivreda BiH najveća elektroprivredna kompanija u BiH koja električnom energijom snabdijeva više od 707.000 kupaca na prostoru FBiH. Jedan od zamajaca razvoja JP "Elektroprivreda BiH" je Termoelektrana

Kakanj. Prvi kilovati iz Čatića potekli su 1. jula 1956. godine. Godine 1987. izgrađen je i dimnjak visine 300 metara. U osnovi dimnjak je širok 25 metara, a na vrhu 12, 5 metara. U njega je ugrađeno 10.000 kubika cementa i 3.000 tona željeza. Unutar ovog dimnjaka izgrađen je još jedan dimnjak do 135 metara visine, a služi kao ojačanje. Duž cijelog dimnjog kanala od nule do kote 300 postavljena je obloga od vatrostalne i kisele opeke. Dimnjak je gradila firma „Vatrostalna“. Ova firma slične dimnjake je gradila i u Bukištu, Obrenovcu, Trbovlju i Kuvajtu.

POSJETA ZASTUPNIKA ZAVIDOVICIMA



Zadnjeg dana mjeseca avgusta, Općinu Zavidovići posjetili su zastupnici u Skupštini Zeničko-dobojskog kantona: Amra Jupić, Emira Drndo-Čičeklić i Kemal Mušinbegović. Posjeta je upriličena u povodu obilježavanja 29. avgusta - Dana Zeničko-dobojskog kantona, a glavni motiv posjete je bio obilazak zavidovičkog Udruženja žena „Majska ruža“. Vladi Zeničko-dobojskog kantona zastupnica Amra Jupić predložila je posjetu ovom udruženju

ponukana uspjehom koje ono ostvaruje u svom radu. „Majska ruža“ je jedno od najaktivnijih udruženja sa područja naše općine. Njegove članice su uzele sebi za zadatak da mnogobrojne lijepе običaje našeg naroda sačuvaju od zaborava, kazala je Jupić. Zastupnici iz kantona takođe su prilikom posjete sa predstvincima Općine obišli Spomen obilježje žrtvama rata 1992-1995., te položili cvijeće i odali počast stradalima u ratu.

ZA UPRAVLJANJE OTPADOM 650.000 MARAKA



Korisnici sredstava Fonda za zaštitu okoliša iz Zeničko-dobojskog kantona, čiji su projekti odabrani u proceduri provođenja javnog poziva za realizaciju onih iz oblasti zaštite okoliša za 2017. godine, a koji se odnose na oblast upravljanja otpadom, potpisali su ugovore u Zenici. Radi se o 14 projekata, ukupno vrijednih 650.000 KM, koje je odabrala Vlada ZDK-a, a čiji su nosioci: Regionalna deponija Mošćanica Zenica, JKP Vis Dobojski Jug, JP Rad Tešanj, JKP Radnik Zavidovići, JKP Visoko, JP Komunalno Žepče, JP Vodokom Kakanj, JKP Vareš, Alba Zenica, Grad Zenica i općine Maglaj,

Breza, Zavidovići i Usora. - Ugovore su potpisali aplikanti koji su izabrani po LOT-u 1 koji je Ministarstvo objavilo za projekte zbrinjavanja otpada na području ZDK-a. Radi se o 650.000 KM koje su predviđene namjenski za ovo. Iznosi se kreću od 30 do 80 hiljada maraka. Federalno Ministarstvo okoliša i turizma je još 2012. godine izdalo nalog lokalnim deponijama i općinama koje raspolažu i upravljaju njima, u kojem se kaže da ih moraju zatvoriti i da se trebaju orijentisati na regionalni koncept zbrinjavanja otpada, u smislu da se sav komunalni otpad dovozi ili na RD Mošćanica u Zenici ili na regionalne deponije u drugim kantonima koje su bliže nekim općinama, kazao je Fahrudin Brkić, ministar za prostorno uređenje, promet i komunikaciju i zaštitu okoline ZDK-a. Munib Zaimović, načelnik Općine Breza, objasnio je da će dobijena sredstva, uz saglasnost resornog ministarstva, u ovom mjestu biti utrošena na nabavku kamiona za odvoz smeća.

DELEGACIJĄ VLADE ZDK U TEŠNJU



Delegacija Vlade ZDK, posjetila je zajedno sa Općinskim načelnikom Suadom Huskićem i Zastupnikom u državnom Parlamentu BiH Šemsudinom Mehmedovićem gradilišta školskih sala na području općine Tešanj. Radi se o gradnji četiri školske sale za izvođenje nastave tjelesnog odgoja u Šijama, Kaloševiću, Jablanici i Miljanovcima čiju izgradnju zajednički finansiraju ZDK i Općina Tešanj. Ukupna sredstva koja su uložena za ove četiri školske sale u prošloj i ovoj godini iznose 520.000 KM. - Sretan sam da će 1.600 učenika u ove četiri škole na području općine

Tešanj imati bolje uslove za nastavu tjelesnog odgoja. Odlučni smo da nastavimo gradnju ovih objekata, te je današnja zajednička posjeta iskoristena kako bismo na licu mjesta vidjeli kako napreduje gradnja, kazao je Općinski načelnik Suad Huskić. - Želim naglasiti da sa Općinom Tešanj imamo jako dobru saradnju, svi planirani projekti budu unaprijed najavljeni, što nam olakšava posao. Gradnja ove četiri školske sale je jako dobar primjer kako uključiti i druge u realizaciju projekata na lokalnom nivou, kazao je Premijer ZDK Miralem Galijašević.

PLENKOVIC U ŽEPČU



Predsjednik Vlade Republike Hrvatske Andrej Plenković boravio je u posjeti Bosni i Hercegovini, te je tom prigodom posjetio Žepče, Tuzlu i Orašje gdje je razgovarao s predstavnicima državnih i lokalnih vlasti o razvojnim projektima koje sufinancira Vlada Republike Hrvatske. Načelnik Zovko je upoznao visoku delegaciju s aktualnim stanjem u općini, s dobrim primjerom funkciranja vlasti na lokalnoj razini koja može biti primjer mnogim lokalnim zajednicama u BiH kada je u pitanju suživot, a bilo je riječi i o potrebama općine u gospodarskom razvoju. - Poruka našeg današnjeg dolaska u Žepče je da Republika Hrvatska skrbi o kvalitetnim, odličnim prijateljskim odnosima s BiH, da posebno vodimo računa o Hrvatima, kao najmalobrojnijem konstitutivnim narodu u BiH. Želimo da naš Središnji državni ured za Hrvate izvan Hrvatske nastavlja poticati konkretnе projekte kako bi smo zadržali naše ljudi ovde da žive u BiH, osobito u Žepču i cijeloj županiji. U protekle dvije godine samo za Žepče smo izdvajali milijun i dvjesti tisuća kuna, kazao je Plenković.

ČESTITKA

Dragi naši učenici osnovnih i srednjih škola, poštovani roditelji, prosvjetni djelatnici i stručni suradnici, čestitam Vam početak nove školske godine.

Posebne čestitke upućujem našim prvačićima koji dolaskom u školske klupe započinju novi dio svoga djetinjstva: stjecanje znanja, obrazovanje i moralni odgoj za sigurnu i sretnu budućnost. Neka Vam svima bude sretna nova školska godina.

AKCIJA

-15%

Radno vrijeme

08:00 - 19:00 sati
maloprodaja@ecos.ba
+387 30 717 613

grijanje

67⁰⁰



41378

Usisavač za pepeo
Stara cijena: 79,00

41435

Koljeno dimovodno za kamin Ÿ
80 THERMOFLUX
Stara cijena: 30,45

24⁹⁰



1486⁰⁰



41157

Kotao za etažno grijanje s
pećnicom desni Etaž C25.1
RADIJATOR
Stara cijena: 1749,00

89⁰⁰



42875

Radijator pločasti AIRFEL by
DAIKIN 22PKKP H600 L1000
Stara cijena: 107,00

3064⁰⁰




35⁰⁰



41709

Posuda eksplaziona 25 L
VAREM (UR 025 231)
Stara cijena: 42,15

79⁰⁰



189⁰⁰



43279

Radijator kupaonički LUX
H1120 L400 bijeli
Stara cijena: 93,00

49⁰⁰



20432

Bojler kombinirani 80 L desni
TESY BASE LINE 2000W (GCVS
804420 B11 TSR)
Stara cijena: 222,00

AKCIJA TRAJE
11.-30.9.



Ecos®

50567

Ventil s termostatskom glavom
1/2" kutni HERZ (1772460)
Stara cijena: 26,55



22⁵⁰

51570

Navjak radijatorski 1/2" kutni
HERZ (1372441)
Stara cijena: 8,90



3696⁰⁰



40795

Kamin na pelet INTERIO 14 kW
crveni THERMOFLUX
Stara cijena: 2890,00

40682

Kotao na pelet Eco Comfort
35kW RADIJATOR
Stara cijena: 4349,00



2456⁰⁰



111⁰⁰

41251

Kotao električni eloBLOCK VE9 9
kW VAILLANT (0010018805)
Stara cijena: 1350,00

1045⁰⁰

54037

Klima uređaj inv.FTX35J3/RX35K 3,30/3,50 kW
DAIKIN A++ (top.pumpa zrak-zrak)
Stara cijena: 1229,00




128⁰⁰

44175

Termostat sobni bežični s tjednim programiranjem i radijskim prijemnikom TECHNO WPT R (578148)
Stara cijena: 150,50

Akcija se ne odnosi na već snižene proizvode. Popust od 15% odnosi se isključivo na gotovinsko plaćanje.



BEZ PONUDE ZA DUĆE U PRVOM KRUGU PRODAJE

Na međunarodni javni poziv za prodaju zeničkog odmarališta Duće u Hrvatskoj nije pristigla nijedna ponuda. Mirsad Heleg, predsjednik Komisije za pripremu i provođenje javnog poziva Grada Zenice je objasnio da su članovi Komisije donijeli određene preporuke, te se uskoro očekuje raspisivanje novog poziva. - Bilo je dosta onih koji su se interesovali, koji su dolazili u Gradsku upravu, ali niko nije u skladu sa procedurom poslao zvaničnu ponudu za odmaralište Duće. Napravićemo izvještaj za gradonačelnika Fuada Kasumovića i predložiti da se obnovi javni poziv. Vidjećemo u razgovoru sa njim da li će imati neke sugestije šta bi trebalo još uraditi prije objavljuvanja novog javnog poziva, kazao je Heleg. Među onima koji su izrazili interes, dakle, potencijalnih investitora koji su dolazili do Gradske uprave,

kako nezvanično saznajemo, osam je firmi iz Poljske, Njemačke, Hrvatske i Bosne i Hercegovine. Nije poznato koji su razlozi zbog čega niko nije poslao zvaničnu ponudu. Pretpostavlja se da je glavni razlog visina početne cijene od devet miliona maraka. Bilo je i određenih informacija u medijima oko vlasništva zbog informacije Agencije za privatizaciju Srednjobosanskog kantona, u kojoj su tvrdili da su oni vlasnici odmarališta. Gradske vlasti Zenice objavile su 28. juna međunarodni javni poziv za dostavu pisama namjere s ciljem kupovine nekretnina odmarališta Duće, u općini Dugi Rat, u Hrvatskoj, koji je trajao dva mjeseca. Odmaralište Duće prostire se na površini od blizu 12.000 kvadratnih metara, a zemljište je u vlasništvu Grada Zenica.

PLANIRANO UREĐENJE TURSKOG PARKA



Šef Turske vojne misije u BiH brigadir Tayfun Čelik posjetio je gradonačelnika Zenice Fuada Kasumovića. Brigadir Čelik u drugu posjetu Gradskoj upravi Zenica u posljednja četiri mjeseca, došao je s ciljem da s gradonačelnikom razgovara o projektu obnove Turskog parka na Kamberovića polju. Na sastanku je iskazana obostrana želja da se jedan od najljepših dijelova našeg grada uskoro dodatno uredi. Između ostalog to podrazumijeva zamjenu klupa, postavljanje novih korpi za otpatke, izgradnju prilazne staze od Turske česme do Sahat kule, uređenje podnih ploča, poboljšanje rasvjete i drugo. Turska vojna misija u BiH našoj državi prisutna je od 1994. godine. Pored vojnih obaveza, vojnici ove jedinice dali su i još uvijek daju doprinos u razvoju obrazovanja, kulture te pomažu lokalnom stanovništvu.

SOLARNE PLOČE ZA BUNGALOVE ZENIČKIH IZVIĐAČA

U sklopu programa saradnje između gradova Njemačke i jugoistočne Evrope pod pokroviteljstvom njemačke organizacije Engagement Global koju finansira Vlada Njemačke, predstavnici grada Gelsenkirchena posjetili su Zenicu. U posjeti su bili Melina Draws, koja je u kabinetu gradonačelnika Gelsenkirchena zadužena za Zenicu, Andreas Piwek, koji je u upravi Gelsenkirchena zadužen za evropske projekte, i Herr Meyer, predsjednik NVO prijateljstva Zenice i Gelsenkirchena. Osim posjetu gradu Zenici i prijema kod gradonačelnika

Fuada Kasumovića, predstavnici grada pobratima Zenice posjetili su i Agenciju ZEDA (Laboratoriju LIND i Impulsni kreativni centar) u kojoj im je predstavljen rad Agencije, rezultati dosadašnjih te aktuelni projekti. Također, delegacija je predstavljen Biznis-inkubator Zenica kojim upravlja ZEDA te mogućnosti proširenja njegovih kapaciteta. Ovom prilikom, predstavnici delegacije iz Gelsenkirchena i Agencije ZEDA razgovarali su o mogućnostima zajedničke saradnje. Agenciji ZEDA je uručen i simboličan poklon - uzorak solarnog panela jer je



jedan od razloga ove posjete Bosni i Hercegovini ugradnja solarnih ploča na bungalovima Izviđačkog kampa na Boračkom jezeru koje su posjetili prije dolaska u Zenicu.

Predmet osiguranja [na novu vrijednost]

	BASIC	TREND	PRESTIGE
Gradevinski dio objekta	1.500,00 KM/m ²	1.500,00 KM/m ²	1.500,00 KM/m ²
Stvari kućanstva	200,00 KM/m ²	300,00 KM/m ²	350,00 KM/m ²
Odgovornost prema trećima	x	3.000,00 KM	5.000,00 KM
Boje na zidu i gradevinskoj stolariji, podno, zidine i stropne obloge	35,00 KM/m ²	70,00 KM/m ²	100,00 KM/m ²
Stakla na vratilima i prozorima stana	1.000,00 KM	2.000,00 KM	3.000,00 KM
Gotov novac, nakit, umjetnički predmeti, zbirke, vrijednosni papiri i ostalo stvari posebne vrijednosti	1.000,00 KM	3.000,00 KM	5.000,00 KM
Stvari kućanstva u ostalim prostorijama stana [kavan, podrum...]	5% od s.o.	8% od s.o.	10% od s.o.
Štete na gradevinskim dijelovima stana uslijed izvršene ili pokutane krade	3.000,00 KM	3.000,00 KM	3.000,00 KM

**"ISKORISTITE AKCIJU"**


Ugovorite policu osiguranja stana ili kuće
uz **10% popusta**.

- putem portala
www.bsosavjetnik.ba
- putem call centra na besplatni
telefon **0800 200 50**
- na svim BSO prodajnim mjestima uz
predočenje ovoga kupona.



Obracun premije [godisnja premija]

<i>Basic</i>	od 1,90 KM/m ²
	[poziva 15 rizika]
<i>Trend</i>	od 2,90 KM/m ²
	[poziva 22 rizika]
<i>Prestige</i>	od 4,90 KM/m ²
	[poziva 31 rizika]

1.90 KM/m² 2.90 KM/m² 4.90 KM/m²

BOSNA SUNCE OSIGURANJE



UGOVORI ZA KAPITALNE PROJEKTE



Ugovore su potpisali Općinski načelnik Suad Huskić i predstavnici firmi Dobojski putevi Dobojski Jug (za projekte: Asfaltiranje puta Čamđići-Ljeskovac, Asfaltiranje puta Agići-Bajna bašta, Asfaltiranje puta Širbegovići, Asfaltiranje puta Donja mahala, Asfaltiranje puta Bare-Palučak, Asfaltiranje puta Gornje Bobare-Križ, Asfaltiranje puta Trzna Kruščik II faza, Asfaltiranje puta Hrnjići lifaza, Asfaltiranje puta u naselju Pelte i Asfaltiranje puta Halilovići-Alići), Špic beton Zenica (za projekte: Asfaltiranje puta Trnovac-Barići, Asfaltiranje puta

Bedaci-Numera i Asfaltiranje puta Brezovača), AB trans Tešanj (za projekte: Asfaltiranje puta Bare-Zlatići, Izgradnja pješačke staze Karadaglje-Koprivci-Jablanica) i Trans kop Tešanj (za projekt Izgradnja puta Rastoke). Potpisali smo 16 ugovora za prvi dio kapitalnih projekata koji će biti finansirani iz našeg budžeta. U toku je ugovaranje i druge grupe projekata. Očekujem da će svi projekti biti uspješno realizovani do kraja građevinske sezone, kazao je Općinski načelnik Suad Huskić. Ukupna vrijednost potpisanih ugovora je 319.727,40 KM.

BESPLATNE KANTE I KOMPOSTERI

Shodno Sporazumu o realizaciji Ugovora sa Federalnim ministarstvom okoliša i turizma, Općina Tešanj i JP RAD objavljaju: JAVNI POZIV za dodjelu besplatnih kanti i kompostera za zbrinjavanje kućnog otpada. U cilju unapređenja organizovanog prikupljanja i zbrinjavanja komunalnog otpada Općina Tešanj, u saradnji sa JP "RAD" vrši podjelu 2000 kanti za privremeno odlaganje komunalnog otpada zapremine 120 litara (besplatno) novim korisnicima (domaćinstvima) koji potpišu Ugovor sa JP "RAD" o organizovanom odvozu komunalnog otpada.. Podjela 200 kompostera zapremine 400 litara vršit će se nakon isporuke od strane dobavljača u septembru 2017. godine, kao pilot projekat primarnog razdvajanja organskog otpada. Zaključno sa 10.08.2017. godine podijeljeno je



300 kanti za privremeno odlaganje komunalnog otpada i zaprimljeno je 30 prijava za dodjelu kompostera za razdvajanje organskog otpada. Svi zainteresovani građani se mogu javiti u sjedište komunalnog preduzeća "RAD" Tešanj (Halida Kadušić tel. 650 566 i 650 428). Podjela će trajati do isteka zaliha. Preuzimanje kanti vrši se odmah po potpisivanju ugovora (ponijeti ličnu kartu). Spisak svih korisnika bit će javno objavljen na web stranici Općine i JP RAD.



SANACIJA PUTEA U BREŽANIMA

U toku su radovi na sanaciji dionice puta sa izgradnjom obalotvrde u Brežanima. Radovi obuhvataju izgradnju obalotvrde armirano-beton-skim zidovima, pripremu i asfaltiranje 500 metara kvadratnih raskrsnice sa proširenjima ispred džamije u Brežanima, te sanaciju 110 m ceste prema igralištu u Brežanima. Vrijednost radova koje finansira Općina Kakanj je 35.000 KM.

SANACIJE CESTE R-444



Nakon što su direktor firme „Ame“ Breza Almedin Omerhodžić i direktor Kantonalne direkcije za ceste u sastavu Ministarstva za prostorno uređenje, promet, komunikacije i zaštitu okoline Zeničko-dobojskog kantona Refik Zeković, nedavno zaključili Ugovor o sanaciji dijela regionalne ceste R-444, dionica Podlugovi-Breza-Vareš kroz naselje Mahala (od autobuske stanice kod OŠ "Safvet-beg Bašagić do Doma u naselju Mahala), sa rješenjem oborinskih voda u dužini od 800 metara, danas je ozvaničen početak ugovorenih poslova čija vrijednost iznosi 279.156 KM. Dionici su obišli načelnik općine Breza Munib Zaimović i njegovi pomoćnici, kao i direktor firme „Ame“ Almedin Omerhodžić sa saradnicima.

PRVA POMOĆ



Svjetski dan prve pomoći obilježava se svake godine, druge subote u septembru.

Obilježavanje dana posvećenog prvoj pomoći izuzetna je prilika za ukazivanje na činjenicu da je prva pomoć humani čin koji pokreće ljude u izgradnji bolje, sigurnije i humanije zajednice.

Prva pomoć podrazumjeva skup mjera i postupaka kojima se spašava život i spriječava dalje pogoršanje zdravlja povrijeđenih do dolaska zdravstvenih radnika. Primjenjuje se na mjestu nastanka povrede, priručnim sredstvima. Ciljevi pružanja prve pomoći su: spasiti život, omogućiti dalje liječenje, spriječiti invalidnost.

Ovogodišnja tema je „Povrede u kući – nauči pružati prvu pomoć“. Ovom prilikom nastoji se povećati svijest o opasnostima sa kojima se svakodnevno susrećemo u svom kućnom okruženju, kao i jednostavnim postupcima koje možemo poduzeti u svrhu sprječavanja njihovih posljedica.

Pojam „prva pomoć“ odnosi se na pomoć koju bi trebali pružiti svima koji su trenutno ozljedeni i kojima je ta pomoć neophodna.

Nesreće u domaćinstvu se dešavaju svima, bez obzira na dob, spol, uzrast, a najčešće su rezultat nedostatka



svijesti o faktorima rizika, nepoštivanja sigurnosnih standarda prilikom rukovanja, skladištenja i održavanja opasnih uređaja i sredstava koja sadrže opasne hemijske materije.

Kućno okruženje se smatra kao jedno od sigurnih mjeseta, ali, nažalost, u njima se događa 80% svih nesreća i to najviše u prostoru dnevnog boravka.

Povredama u kući naročito su podložne osobe lošeg zdravstvenog stanja, teže pokretljivosti, slabijeg vida ili sluha, a među njima su svakako i stare osobe. Najčešće nesreće koje se dešavaju su padovi koji pored povrede mekih tkiva i krvarenja mogu imati za posljedicu i

Samо u Europi, svake godine preko tri miliona ljudi strada u svom domu, od kojih više od 7.000 sa smrtnim posljedicama.

prijelome koštanih struktura, opeketine, gušenja, trovanja, zatim udar električne struje, srčani udar, gubitak svijesti itd. Većinu ovih povreda možemo na vrijeme spriječiti poduzimajući adekvatne mjere zaštite, kao i podizanjem svijesti o bitnosti poznавања tehniku prve pomoći, što je i glavni cilj obilježavanja ovog datuma.

Opći savjeti:

- Ne ostavljajte bilo kakve predmete na podu, kako bi izbjegli padove. Strujne i telefonske kablove zalijepite za pod ljepljivom trakom;
- Podne prostirke uklonite sa poda ili ih fiksirajte tako da ne mogu da se izmaknu ispod nogu. Ako starija osoba slabije vidi, ove bi prostirke trebalo da budu jednobojne i intenzivnih boja;
- Uvođenje interfona je veoma korisno za osobe koje se teško kreću, kako bi mogle čuti i vidjeti ko je na vratima te otvoriti ulazna vrata iz svoje sobe;



- Obezbjedite dobro osvjetljenje cijelog hodnika i stepenica (ako postoje);
- U katu bi trebalo postaviti gumenu ili spužvastu podlogu da se izbjegne klizanje. Korisna su i sjedišta za kade napravljena od čvrstog otpornog materijala;
- Papuče koje osoba nosi po kući treba da budu udobne, sa gumenim neklizajućim đonom, bez visoke potpetice i takve da ne spadaju sa stopala.

Elma dr Kuduzović

Viši stručni saradnik za socijalnu medicinu
Institut za zdravlje i sigurnost hrane Zenica

KŽK ČELIK NEĆE IGRATI PRVENSTVO

Ono što smo najavljivali tokom proteklih nekoliko mjeseci u petak je postalo i zvanično – seniorska ekipa košarkaškog ženskog kluba Čelik neće nastupati u Prvenstvu BiH naredne sezone.

Naime, u petak, 8. septembra istekao je rok za potvrdu učešća klubova u Prvenstvu BiH za narednu sezonu, a ekipa KŽK Čelik nije potvrdila svoje učešće do naznačenog roka, što znači da se naredne sezone u Zenici neće igrati seniorska košarka u ženskoj konkurenciji. Na žalost, apeli društvenoj zajednici da se pomogne klubu koji je u protekle četiri godine osvojio pet trofeja ostali su samo mrtvo slovo na papiru što je dovelo do odustajanja Čelika od Prvenstva BiH u narednoj sezoni. Projekat koji je trajao protekле četiri godine i koji je rezultirao odličnim rezultatima polako, ali sigurno odlazi u historiju, a sa njim najvjerovaljnije i klub koji je bio među rijetkim sportskim



kolektivima koji je u Zenicu donosio titule, a samim tim i radost navijačima.

Ovom prilikom želimo da se zahvalimo svim našim vjernim navijačima i gledaocima koji su tvrdoglavu pratili nastupe KŽK Čelik kako u Zenici, tako i u ostalim gradovima naše nam jedine domovine Bosne i Hercegovine uz nadu da će shvatiti i razumjeti potez kluba jer sa trenutnim finansijskim stanjem učešće u Prvenstvu u narednoj sezoni bila bi prava ludost. Također, ovom prilikom klub se želi zahvaliti jedinom i najboljem stručnjaku u Bosni i Hercegovini kada je ženska košarka u pitanju Slobodanu Kecamu i poželjeti

mu mnogo sreće u budućem radu, kao i svim igračicama, posebno onim koje su u prošloj sezoni nastupale za naš klub kada su napravile „incident“ igrajući finale Kupa BiH i finale Prvenstva iako to нико nije očekivao jer se radilo o ekipi čija je prosječna starost iznosila 19 godina. Nadamo se da će naši navijači u nedostatu seniorske košarke, pratiti nastupe juniorki u Ligi mlađih i da ćemo se zajedno radovati pobjadama djevojčica. Na kraju naredne sezone titula prvaka države u seniorskoj konkurenciji slavit će se u nekom drugom gradu, jer u Zenici neće sigurno.



NOGOMETNA PREMIJER LIGA

U posljednjem, sedmokolu BH Telecom premijer lige, nogometari iz Zenice, Doboja kod Kaknja i Viteza nisu imali razloga za slavlje. Naime, sve tri ekipe, Čelik, Mladost i Vitez doživjeli su uvjerljive poraze. Čelik je gostovao u Mostaru kod Zrinjskog i nakon sjajnog otvaranja utakmice i rano postignuta dva gola, u nastavku utakmice Zrinjski je postigao pet golova i tako nanio izabranicima Kemala Hafizovića težak poraz 5:2.

Mladost je dosta oslabljena otputovala na međđan Krupi, a izostanak nekoliko igrača je bio nenadoknadiv, te su upisali poraz od 3:1. Nogometari Viteza su gostovali na vrućem terenu stadiona Koševo, a Sarajevo je predvođeno Husrefom Musemićem slavilo uvjerljiv triumf 4:0. Narednog vikenda igra se osmo kolo, a to je nova prilika ovim ekipama da se domognu bodova i poprave utisak iz sedmog kola.

USVOJENA OSTAVKA HIMZE HALAČA

Upravni odbor Sportskog Saveza grada Zenica je na nedavnoj sjednici jednoglasno donio odluku kojom se usvaja neopoziva ostavka dosadašnjeg predsjednika Saveza, Himze Halaca, a koja je uslovljena okolnostima porodične prirode. Shodno statutarnim odredbama, odlučeno je da će dužnost predsjednika Saveza u narednom periodu obavljati njegov potpredsjednik, Senad Bajramović i to do održavanja sjednice izborne skupštine, na kojoj će se izabrati novi predsjednik. Halač je uspješno obavljao dužnost predsjednika u posljednjih nekoliko godina.



ŠAHOVSKI TURNIR

Nakon uzbudljivih partija, Zoran Runić bh. internacionalni majstor, postao je pobjednik 3. turnira „Travnik Open - BH Telecom 2017“. Runić je osvojio 6 bodova iz sedam partija, koliko su osvojili i drugoplasirani velemajstor Branko Tadić iz Srbije i trećeplasirani bh. internacionalni majstor Atif Dumpor, ali presudio je bolji Buholc. Nagrađeno je još deset igrača. U kategoriji igrača sa rejtingom od 2.000 do 2.200 bodova nagrade su osvojili: Dženan Dautović, Nadir Smailkadić i Vahidin Omanović. U kategoriji igrača sa rejtingom do 2.000 bodova nagrađeni su Marko Ivanović, Leon Bojo i Ivan Rajić.

Specijalno priznanje za najboljeg igrača ŠK „Travnik“ na turnir, koje nosi ime rahmetli Kemala Baltića, dobio je Smail Dautović, a ovom prilikom predsjednik ŠK „Travnik“ Jasmin Fajkić uručio je priznanje porodici Baltić, odnosno kćerki Selmi Baltić. Najbolja šahistkinja turinira je Katarina Tadić, a titulu najboljeg kadeta do 18 godina ponio je Rijad Burović, dok je najbolji veteran preko 65 godina Halid Bajramović. ŠK „Travnik“ još jednom se pokazao kao izvrstan organizator turnira koji je okupio preko 80 igrača iz zemlje i inostranstva.

NOĆNE UTRKE TRAVNIK

Osman Junuzović iz Doboj – Istoka i Lucija Kimani iz Prijedora pobjednici su, „Noćne utrke - Pharmamed – Travnik 2017“ koja je održana u Travniku. Junuzović je prvi prošao kroz cilj, a iza njega bili su Kosta Šumar i Božidar Vujić. U ženskoj konkurenciji najbrža je bila Lucija Kimani ispred Alme Hrnjić i Jelene Kosić. Na „Noćnoj utrci - Pharmamed - Travnik 2017“ nastupilo je gotovo 700 učesnika koji su trčali stazu dugu 5 kilometara od Centralnog gradskog trga, do Poslovne zone Borac i nazad. Vrijedni organizatori Centar za edukaciju mladih (CEM) i ove godine je oduševio organizacijom i sebi postavio još teži zadatak za narednu godinu.



Održane utrke za djecu

U okviru manifestacije „Noćna utrka Pharmamed – Travnik 2017“ održane su tri utrke pod nazivom „Helen Doron Fun Run“. Djeca su se takmičila u tri kategorije. U kategoriji djece od 4 i 5 godina koja su trčala na stazi od 400 metara pobjedjedio je Faris Kablar, druga je bila Zinaida Sinno, a treći Eman Kablar. Djeca u kategoriji od 6 do 8 godina trčala su na stazi od 400 metara, a prvi je kroz cilj prošao Bojan Škobić, iza njega su na cilj stigli Vedad Fazlić i Mirza Mlačo. U kategoriji djece od 9 do 11 godina takmičari su trčali na stazi od 800 metara, a pobjedio je Benjamin Mlačo, drugi je bio Kenan Šiljak, a treća Karla Kustura. Po tri najuspješnija takmičara u svim kategorijama dobili su vrijedne nagrade organizatora i sponzora.

PRVENSTVO FEDERACIJE BIH U KARATEU



U Bugojnu je održano 12. Prvenstvo Federacije BiH u karateu za kadete, juniore, U21 i 1.para. Od devet karate klubova koliko egzistira u Zenici, učešće na zvaničnom Prvenstvu Federacije uzela su samo dva kluba, i to karate klub International i karate klub Zenica. U ukupnom plasmanu takmičari karate kluba International zauzeli su šesto mjesto sa osvojene dvije zlate, tri srebrene i dvije bronzone medalje. U kategoriji kate kadeti Imad Buljić osvojio je srebrenu medalju. U istoj kategoriji samo u konkurenčiji takmičarki srebrenu medalju osvojila je Alma Bećarević, dok su bronzanu medalju u istoj kategoriji podjeliše Semina Keleštura i Emina Šaćirbegović. Nakon dobrih pojedinačnih nastupa kadetkinje Internationala okitile su se i ekipnom zlatnom medaljom u katama. Lejla Begić je imala zapažen nastup u konkurenčiji kate juniorke. Na kraju je osvojila odlično drugo mjesto i srebrenu medalju. Muhamrem Keleštura je bio sjajan u juniorskoj konkurenčiji. Osvojio je prvo mjesto i zlatnu medalju. Karatisti karate kluba Zenica osvojili su jednu medalju i to u kategoriji borbe juniorke –plus 59 kg, a bronzu je osvojila Amna Hasicić. Mladi karatisti žepačke Viktorije također su imali zapažen nastup na ovom prvenstvu sa osvojenih šest medalja, tri zlatne i tri bronzone. Ovi, ali i rezultati koje će takmičari ovih klubova tek ostvarivati rezultat su dugogodišnjeg kontinuiranog i kvalitetnog rada sa svojim trenerima u matičnim klubovima.

GASTRO KUTAK

Uštipci sa chiom

Sastojci:

- 300 gr **Klas brašna**
- jedna velika kašika chia sjemenki
- 2 jaja
- 1/2 praška za pecivo
- 1/3 kesice germe
- So po želji
- 1 dcl jogurta
- Malo mlake vode
- Pola kašikice šećera
- 1 velika kašika chie

Priprema:

- Pomiješati germu i šećer i preliti sa malo mlake vode i ostaviti da odstoji 5 minuta. Dodati ostale sastojke i zamjesiti da nadode. Razvaljati tijesto i nožem rezati na trokutice i pržiti u dubljem ulju sa svake strane po jednu minutu.



Berina Okan,
Zenica



**Šaljite nam vaše
recepte sa Klas
proizvodima.
Najsretnije očekuje
poklon paket Klas
proizvoda.**



Fritule

Sastojci 5 osoba:

- 4 dcl jogurta
- 2 jaja
- 2 paketića vanil šećera
- malo soli
- 2 kašike šećera
- 20 kašika Klas brašna
- 1 prašak za pecivo
- 1 kašika rakije
- ulje za prženje

Priprema:

- Umješati sve sastojke, da se dobije glatka smjesa. Ukoliko vidite da vam je smjesa rijetka (da se razlijeva iz kašike) slobodno dodajte još koju kašiku brašna. Vaditi kašicom smjesu i pržiti u vrućem ulju. Čim porumene, okrenuti na drugu stranu i pustiti da se isprži do kraja. Ukoliko pržite u dosta ulja, da lijepo plivaju, one se počnu same okretati. Vaditi u zdjelu u koju ste na dno stavili salvetu da upije višak ulja. Posuti štaub šećerom.



Lejla Čelebić,
Zenica



Dar uspješnog Travničanina: Mladi u naselju Kalibunar dobili igralište

Utravničkom naselju Kalibunar otvoren je igralište za djecu „Box“ koje dizajnirao i od prirodnih materijala izgradio Tarik Arnautović, Travničanin koji živi i radi u Danskoj i ima uspješnu dizajnersku karijeru. Izgradnja igrališta trajala je pet dana, a na otvaranju se okupio veliki broj mališana sa Kalibunara. Uvjerio sam se da u mom gradu ima pozitivnih stvari, poput Centra za edukaciju mladih (CEM) i Udruženja „Zajedno za Kalibunar“, a s obzirom na to da ja u Danskoj radim kreativne stvari, odlučio sam uraditi nešto i ovde. Jednostavno, želio sam nešto pokloniti svom gradu. Odlučio sam da to bude na Kalibunaru, jer je to dio grada u kojem sam odrastao, kazao nam je Arnautović. Nakon ljeta u rodnom Travniku, Tarik se vraća u Kopenhagen i nastavlja s radnim



obavezama u agenciji u koj radi na dizajniranju aplikacija telefone, kompjuterskih igrica i drugih dizajnerskih projekata. Ranije je dizajnirao i satove za čuveni

Swatch, a predložio je i nekoliko idejnih rješenja za uređenje određenih dijelova grada u rodnom Travniku.



U Travniku održan "Ljetni sajam sitnih životinja"

U Travniku je održan „Ljetni sajam sitnih životinja – Memorijal Sead Bradić – Tulika“ koji tradicionalno organizuje Udruženje građana za uzgoj i zaštitu sitnih životinja „Tulika“ iz Travnika. I ove godine vrijedni članovi Udruženja predstavili su razne vrste golubova, ukrasne peradi, ali ptica i kunića. Posebno mjesto imali su uzgajivači autohtone pasmine „travničkog kratkokljunog goluba“. Sajam je tradicionalno privukao veliku pažnju najmlađih posjetilaca. Kao i proteklih godina ovo prilika za kupovinu i razmjenu kućnih ljubimaca.

Na Vlašiću održana manifestacija „Dani planinara 2017“



Planinarsko društvo „Paklarske stijene“ u sklopu Krovnog saveza BiH i drugih Saveza suosnivača Krovnog saveza BiH, bilo je organizator i domaćin manifestacije „Dana planinara 2017.“ koja je održana kod Planinarskog doma na platou Galice na planini Vlašić. Ugostili smo preko 40 planinarskih društava iz Bosne i Hercegovine i Hrvatske. To su sve naša prijateljska društva sa kojima smo u komunikaciji i kojima i mi idemo u goste kada se organiziraju Dani planinara u drugim mjestima. Organizirane su ture na poznate lokacije, a održana su i sportska takmičenja i brojne druge aktivnosti. – kazao nam je Augustin Valjan, predsjednik Planinarskog

društva „Paklarske stijene“. Na jednom od najljepših dijelova Vlašića uz Planinarski dom postavljeni su i kampovi sa šatorima, a i brojni drugi sadržaji. Tokom dva dana planinari iz BiH i Republike Hrvatke imali su prilike da kroz više organizovanih planinarskih pohoda i tura obiđu neke od najzanimljivijih dijelova ove planine. Među učesnicima manifestacije bila su planinarska društava iz Varaždina, Čazme, Kaštela, Vinkovaca, Splita, Trilja i Sinja, do bh. planinarskih društava iz Brčkog, Tuzle, Zenice, Livna, Mostara, Orašja, Novog Travnika, Travnika, Mostara, Kiseljaka, Jajca, Srebrenika, Vareša, Kaknja i Busovače.

6. EFOS



U organizaciji Kulturno-umjetničkog društva Plamen, kod Društvenog doma u zeničkom prigradskom naselju Pehare, održani su Šesti etno-folklorni susreti - EFOS. Nekoliko stotina gledalaca moglo je uživati u izvedbama članova Gradskog umjetničkog društva Filigran Zenica, KUD-a Moščanica, Bošnjačke zajednice kulture Preporod iz Busovače i domaćina. Zapjevali su i doajen sevdalinki Omer Kadrić iz Zenice i Mirsada Mekić iz Busovače. Čast da otvori festival pripala je Sumeji Mujkanović, pomoćnici gradonačelnika Zenice za društvene djelatnosti, koja je pozvala mlade da se uključe u rad kulturno-umjetničkih društava jer na ovaj način čuvaju našu tradiciju. Zahvalnicu za pomoć u organizaciji EFOS-a uručio joj je Kenan Islambegović, član UO KUD-a Plamen. Zahvalnice su još dobili Fuad Kasumović, gradonačelnik Zenice, Sejad Beganović, vlasnik trgovine HB, Pekara Mido Zenica, ZIM Zenica, Kenan Uzunović i Eurocopy Zenica, Melih Karan, Hajrudin Cogo, Ars baletni centar iz Zenice, kao i učesnici festivala. - Prezadovoljan sam festivalom. Kulturno-umjetnička društva su se predstavila sa prelijepim koreografijama folklornih igara iz naše zemlje i regiona. Vrijedne članice naše sekcije, a radi se o majkama djece koja igraju folklor u Plamenu, pripremile su kolače za goste i zvanice i dijelile su ih tu večer. Bilo je zaista sve na visokom nivou, kazao je Haris Muminagić, predsjednik KUD-a Plamen Pehare. Koreografkinja Sabrina Šarić rekla je da Plamen krasiti zajedništvo i da je upravo to ono što je dovelo društvo do toga da, gdje god nastupa, dobija samo pohvale.

PLESNI PAR KOJI BILJEŽI SAMO USPJEHE



Iman Ramadan i Almin Omerdić, članovi Plesno-modnog studija Shadows iz Zenice, plesni su par koji će predstavljati Bosnu i Hercegovinu na Svjetskom prvenstvu za juniore 4. novembra u Bukureštu. Višestruki prvaci naše zemlje dio priprema su obavili u Hrvatskoj, a dio će obaviti u Zenici. Oko stotinu plesnih parova boriće se na Svjetskom prvenstvu, a sam plasman Iman i Almina je veliki uspjeh i za "sjenke", ali i za grad Zenicu. Iman je rekla da je ovo plod njihovog dugogodišnjeg truda i rada te da je ponosna jer malo parova ima priliku da ide na Svjetsko prvenstvo. Almin je poručio da plasman na SP za svakog sportista predstavlja vrhunac te da se nada

da mogu ući u finale među 70 najboljih parova svijeta. Semir Šerić, osnivač PMŠ Shadows i trener ovog plesnog para, istakao je da sam naziv Svjetsko prvenstvo dovoljno govori o kakvom takmičenju se radi. Nastupiće oko 150 parova iz cijelog svijeta koji su stekli pravo nastupa tako što su bili prvaci svoje države, a u zeničkom klubu se, veli, osjećaju posebno počastovani što na prestižnom takmičenju imaju svoj par. - Iman i Almin, iako imaju tek 15 godina, došli su do visokog nivoa. Najuspješniji su plesni par Shadowsa, trostruki su prvaci države, a imaju deset medalja sa državnih prvenstava. Učešće na SP-u im je trebalo da bi obogatili svoju karijeru, kazao je Šerić.

SJEĆANJE NA LEGENDE SEVDAHA

U organizaciji Art kuće sevdaha Zenica, u ljetnoj bašti motela Almy u Zenici održan je koncert Sjećanje na legende sevdaha. Nastupili su Midhat Šut, Samir Bureković, Enver Zukić, Omer Kadrić, Samir Beganović, Hajrudin Halač Heli, Naida Delić te drugi članovi Art kuće sevdaha i gosti uz pratnju njihovog Narodnog orkestra. Voditelj programa bio je Enver Šadić. Da drugu godinu organizuju ovakav koncert u čast izvođačima sevdalinki koji nisu više sa nama, potvrđio je Muhamed Delić, predsjednik Art kuće sevdaha, dok je Midhat Šut istakao da



je ova manifestacija pravi potez jer je u nju uključeno mnogo mlađih ljudi koji su zavoljeli sevdalinku. - Uspjeli smo ove godine da uradimo ono što smo planirali. Tradicionalna pjesma sevdalinka će ostati sa mlađim ljudima. U to smo se uvjerili na ovom koncertu. Kao vođa orkestra prezadovoljan sam i sretan što imam krug ljudi koji gaje sevdah. Zahvalan sam kompaniji Almy i njenom vlasniku Ismetu Begiću i kompaniji BH Telecom koji su nam pomogli da održimo ovaj koncert, kazao je Muhamed Delić.

Tri generacije Šakića rade u brijačnici „Kod Hamde“

Tri generacije porodice Šakić održavaju tradiciju i bave se brijačkim zanatom. Brijačnica „Kod Hamde“ u travničkoj Donjoj čaršiji, u neposrednoj blizini Šarene džamije. Za mnoge Travničane to je mjesto na koje rado dolaze kako bi se ošišali, obrigli i prozborili koju riječ.

Porodičnu tradiciju pokrenuo je sedam-

deset sedmogodišnji Hamdo Šakić prije

punih 56 godina.

-Bila je to očeva želja, ja sam pristao i upisao zanat. Na zanat sam krenuo 1957. godine, a završio 1960. godine. Nakon što sam dobio diplomu punih 20 godina radio sam u Brijačnici kod Abida. Prije 37 godina, 1981. godine sam otvorio svoju radnju. Drago mi je što u radnji radim sa sinom i unukom. Ne može se svako pohvaliti sa tim, priča nam Hamdo Šakić, koji je generacije Travničana šišao u svojoj radnji. Tradiciju koju je započeo Hamdo nastavio je njegov sin Kemal. Nije

tajna kod četrdesetčetverogodišnjeg Keme se čeka u redu za šišanje, neki u radnji, a neki u obližnjim kafićima.

-Moj otac je frizer dugi niz godina. Gledajući njega zavolio sam ovaj zanat, a to je prihvatio i moj sin. Ko voli ovaj zanat može i lijepo živjeti. Najvažnije voljeti zanat, raditi i poštivati mušterije. Uzajamno poštivanje sa mušterijama je najvažnije. Poštivanje se dobija kada svoj posao radiš kako treba, kaže nam Kemal. Stopama svoga deda Hamde i oca Kema-nastavio je Irhad Šakić.

-Završio sam srednju frizersku školu u



Vitez. Volim ovaj posao i bila mi je želja da budem frizer. Otcu mi je govorio da odlučim i školujem se za ono što želim. Ja sam se odlučio za frizerski zanat. Zadovoljan sam, napredujem, rekao nam Irhad Šakić na kojem ostaje porodična tradicija.



AKCIJA

vrijedi do isteka zaliha

Ganik i.d.a.



ARTESA

34 x 50 cm

28,- KM/m²**20,00**
KM/m²

VIA STRADA

33 x 33 cm

15,- KM/m²**13,00**
KM/m²

VIA ROTONDA

33 x 33 cm

15,- KM/m²**13,00**
KM/m²

BUBA

SUPERMARKET · MARKETI · MESNICE



PC 96 Vitez; Željeznička stanica Vitez, Stjepana Radića Vitez;
Novi Travnik; Busovača, Kiseljak; Zenica; Žepče

Centrala tel.: 030/714-209

www.buba-commerce.com

[buba.commerce](https://www.facebook.com/buba.commerce)

*Svaki vikend
u Buba marketima
Vas očekuju
super akcijske
cijene mesa!*



MESO DOMAĆIH
FARMI
JURČEVIĆ
DOMAĆIN ODLIČNOG OKUSA